



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Idem.

**urn:nbn:de:hbz:466:1-13589**

I D E M.

*Aduersus eos, qui terras vel castrum condemnatorum de hæresi defendunt, tanquam cõtra defensores, & fautores hæreticorum, spiritualiter & temporaliter est procedendum, nisi ab incepto desistant.*

Edita anno Do  
mini 1260.

Ex Archiuiõ cõ  
uentus S. Fran-  
cis de Assisio.



**A**LEXANDER Episcopus seruus seruorum Dei, dilecto filio nobili viro Petto Iacobi Surdi Ciu Romano, Salutem & Apostolicam benedictionem.

**L**ICET vniversi mundi populi, qui Christiana professione censentur, ad incrementum Catholicę fidei, totis viribus cunctisq; laborare studijs teneantur, Romanus tamen populus tanto feruentius, tantoq; diligentius ad hoc vigilare tenetur, quanto specialius, quantoq; propinquius B. Petri Apostolorum Principis, qui est ipius caput, & pater fidei patrocinio gaudere nescitur: Vnde cum audimus, q; per aliquos de ipso populo, promotioni negotij eiusdem fidei aliqua impedimenta, siue obstacula præparantur, eo maiorem dolorem in mente cõcipimus, quòd firmo rem de talibus q; illud iuuare, ac fouere promptis debeant animis, spem, & fiduciam obtinemus. Sanè ad audientiam nostram, non sine admiratione, & animi turbatione peruenit, quòd tu Castrum Collisfalae, ad perfidum Capellum de Chia nuper eodẽmnatũ de hæresi pertinens, ab ipso Capello, vel à quodam Ciue Citan. in quem idem C. statim quòd sensit, quòd de hæresi condemnati debebat, simulata venditionis titulo transtulit, te in ipsius Capelli fauorem, & defensionem terrę suę emisse confingens, à Dilectis filijs nobilibus viris Senatoribus vrbis communi Viterbien. sub certa inhiberi pœna tuę famę prodigus procurasti, nè contra prædictum Castrum, quod ad te spectare dicebas, procedere quomolibet attentarent: nequaquam attendens, neque formidans spirituales, & temporales pœnas, quę hæreticorum fautoribus, & defensoribus per sanctiones canonicas, & legitimas inferuntur. Volumus igitur, & præsentium tibi auctoritate districtè præcipiendo mandamus, quatenus statim receptis præsentibus, sicut diuinam, & nostram eham habes gratiam, ab huiusmodi ausu tam nefario, tamque pernicioso desistens, de defensione ipsius Castri, prædicto seu alio quocumq; modo te nullatenus intromittas: quinimo procures omnino, q; inhibito huiusmodi, prædicto Communi Viterbien. ad instantiam tuam facta, totaliter reuocetur: alioquin scite te volumus, & pro certo tenere, quòd aduersus te, tãquam contra defensorem, & fautorem hæreticorum, spiritualiter & temporaliter, auctore Domino procedemus. Datum Anagnin. ij. Id. Maij, Pontificatus nostri anno sexto.

De Curia.

I D E M.

*Communitas Viterbienfis liberaliter promisit Inquisitoribus hæreticę prauitatis, se congregaturam exercitum, ac hostiliter processuram contra Capellum de Chia de hæresi condemnatum, secundum quòd Inquisitores ordinarent: id factum Pontifex approbat, hortaturq; vt rem iam laudabilem conficiant, nullo Senatorum Vrbis mandato in contrarium facto.*

Quoniam Ciuitas Viterbienfis intrepidè Inquisitoribus in fidei fauorem auxilium obtulit, egregio encomio à summo Pontifice commendatur, & gratias sibi ab eo referri meretur, quòd noluit taceri Illustrissimus Cardinalis de Gambara, vnus ex Inquisitoribus Generalibus in vniversa Republica Christiana, dum imponit nobis, vt inter cætera hoc rescriptum imprimi curemus, vt exet perpetuum testimonium laudis eius vrbis, cuius ipse Illustrissimus extitit Episcopus.

Edita anno Do  
mini 1260.

Ex Archiuiõ cõ  
uentus S. Fran-  
cis de Assisio.



**A**LEXANDER Episcopus seruus seruorum Dei, dilectis filijs .. Potestati .. Capitaneo, Consilio & Communi Viterbien. fidelibus nostris, Salutem & Apostolicam benedictionem.

**E**X insinuatione dilecti filij fratris Andrea, & aliorum inquisitorum hæreticę prauitatis in Romana Prouincia, & administratione Beati Francisci comperimus, quòd vos tanquam fidei zelatores, eis liberaliter obtulistis congregare exercitum, ac hostiliter procedere contra perfidum Capellum de Chia, nuper de hæresi condemnatum, secundum quòd ijdem inquisitores ducerent ordinandum. Nos igitur huiusmodi zelum vestrum, dignis exinde laudibus efferetes, ac referentes vobis propter hoc gratiarum multiplices actiones, vnuerstatem vestram monemus, rogamus, & hortamur attente, per Apostolica vobis scripta mandantes, quatenus negotiorum eiusdem fidei sicut laudabiliter incepistis, constantibus animis prosequentes, ad exterminium terratum prædicti Capelli, non obstante mandato contrario Senatorum Vrbis, hostiliter procedere studeatis: Nos enim eisdem Senatoribus nostris iniungimus litteris, vt mandatum huiusmodi monita, & mandata nostra implere curetis, vt cresecatis exinde meritis apud Deum, pœnes nos gratia, & apud homines clara fama. Datum Anagnin. Id. Maij, Pontificatus nostri Anno sexto.

I D E M.

*Inquisitores potestatẽ habent vendendi bona hæreticorum, fautorũ, credentium, receptatorũ, & defensorum*